

## Provèrbes e dires

### La lèbre

\* **La lèbre es a qui la lança : e lo lapin a qui lo pren.**  
(*A cadun çò que li reven*)

\* **Un lança la lèbre e l'autre la tua.**  
cf. **Los unes tiran las castanhas del fòc,**  
**los autres se las manjan** (*I a totjorn de profitaires*)

\* **Val mai una lèbre al sac que tres doas que córron.**  
cf **Val mai una sarda sul pan qu'un perdigal que vòla**  
**Val mai téner qu'esperar**

*Un « tiens » vaut deux « tu l'auras »*

\* **Cal pas córrer doas lèbres al còp**  
**Del temps que lo can pissa, la lèbre fugís**  
(*Cal pas dispersar son accion*)

\* **Om caça pas las lèbres amb un tambor**  
(*Se cal gardar de divulgar sas intencions*)



\* **Tant val la lèbre pel can coma pel caçaire**  
(*se ditz per obtenir un partatg equitable*)

\* **Se volètz arrestar la lèbre, maridatz-la.**  
(*se ditz d'una causa de mal far*)

\* **La lèbre i passariá entre las cambas**  
**que diriá que l'a pas vista.**  
(*se ditz d'un messorguèr*)

\* **Voler far creire que las lèbres fan d'uóus**  
(*prene qualqu'un per un nèci*)

\* **Trobar la lèbre al jaç** (*trapar qualqu'un en çò sieu*)

\* **Es un trabalh a far venir lèbre** (*un trabalh abrutissent*)

\* **Esser pauruc coma una lèbre.** (*ésser coard*)

*Andrieu LAGARDA*

### Mot del Cap-redactor

Capèl bas !

Amics... avèm passat los **100** numeròs de nòstra revistòta.  
Durbissèm ara, tre març de 2012 una tièra novèla !



Coma foguèt decidit a la darrièra AG, serà lo *Felip Depaire* que s'ocuparà tre ara de recampar los articles e de buitar als calams, los escrivans potencials...

Inventèri lo titol, pecaire, e dempuèi la debuta de l'Escòla Occitana d'Estiu, en 1972 ; tusta buta, a la bimbòla, m'èri cargat dels «Camins d'Estiu» amb un punhatòt de valents atestudits...

Mas los valents ; se fan de mai en mai vièlhs e... malauto-ses...!

Escapèri pas al sòrt comun. Ongan, manquèri, ieu, un còp de mai, de me pèrdre las auças e los neuronas...

Passèri atal mon Nadalet a l'Hospital d'Agen...

Per astre, soi tornat un pauquet anant pr'aquò ; per assegurar un tròc de velhada amb «*Mos Sovenirs*» de Jansemín, a l'Escòla d'Ivèrn de Burlats e presentar nòstra conferència contada amb Teresa Duverger « A l'entorn de Jansemín » : « Mos sovenirs – Letra A Silvan Dumon. – Marta L'innocenta. »

Mas me sentissi gaireben a la reforma ! Pas pro fisable solide, per assegurar mai la direccions complèta de la revistòta.

Demòri pr'aquò amb vosautres dins la còlha... tant que pòdi!  
Tenètz vos fièrs.

*Marcèu ESQUIEU*

### Mot del President



Amics e aderents  
de l'Escòla Occitana d'Estiu (EOE-IEO 47),

Vaquí un novèl Camins d'Estiu, bulletin interior de nòstra associacion. Avèm mancat a la regularitat que voldriá al mens una parucion annadièra, mas lo contingut d'aqueste numero, o veiretz, es variat e interessant.

Mercé a Felip Depaire, administrator vilanovés, d'aver acceptat de prene la responsabilitat de « Camins d'Estiu ».

Coma o sabètz, la nòstra associacion es a l'encòp la seccion departamentalala de l'Institut d'Estudis Occitans, e l'organisatrítz de dos estagis linguistics interrregionals : l'Escòla Occitana d'Estiu (a Vilanova d'Òut) e l'Escòla Occitana d'Ivèrn a Burlats près de Castras.

Las activitats departamentalas se desenvolopan (mas tròp lentament !), gràcies notadament a la Quinzena Occitana, finançada pel Conselh General, dins la quala trabalham amb d'autras associacions

occitanistas, dont los « ATP de Marmanda », que son aderents a l'EOE.

Los estagis linguistics se pòdon far mercés als benevòles, que venon mai que mai d'en defòra d'Òut e Garònà.. Benevòles, mas professionals pels metòdes d'ensenhamant, per la qualitat dels talhièrs proposats, de las conferéncias. O gausi dire, per qu'es la vertat : la formacion linguistica practicada dins aquels dos estagis es seriosa, modèrna, eficaça, en mai d'estre agradiva e conviviala. Nos i cal far venir de monde : nenets e lor familha, adolescents, adultes, papès : pas de risque que sián decebutos.

L'escola d'ivèrn venenta, en 2013, ne sèm luènh encara.

Mas la d'estiu arriba : començarà lo 12 d'agost. Mercé a totes de far circular l'informacion. Cal que nòstra escola de 2012 siá una capitada... pel plaser d'estre nombroses, e tanben per mostrar als elegits, a las collectivitats, que representam quicòm que compta.

Pèire BOISSIÈRA

## Novèlas de l'associacion

### A• Bilanç de las activitats de 2011

- 11<sup>a</sup> Dictada occitana a Vilanuèva d'Òut lo 29 de genièr : febla particpcion (dròlles an d'activitats esportivas, la dictada es dificila de preparar en classa perque es la debuta de l'annada, dificultat per far bolegar lo monde,...).

- 8<sup>a</sup> Escòla Occitana d'Ivèrn a Burlats del 28 de Febrèr al 4 de Març : bona participacion 25 estagiari ; cambiament de luòc, lo Molin dels becabòsques, luòc agradiu e adaptat a l'estagi mas punt negre la restauracion de marrida qualitat ; bon acuèlh dins la comuna de Burlats ; vertadièr partenariat amb lo Centre occitan del país Castrés.

- Prima dels poètas lo 12 de Març a Vilanuèva : cambiament de luòc, autre estanquet "La Croche"; un quarantenat de participants ; condicions d'es-cota pas bonas a causa de l'agençament de la pèça.

- Presentacion d'un libre al local de l'EOE lo dimèrces 23 de març en serada lo Frederic Fijac organizèt al local de l'EOE una presentacion del libre "La Bestia de totas las colors" de Chantal Fraisse, amb preséncia de l'autor e de l'editor. Per una primiera, un dotzenat de personas participèron a n'aquela presentacion.

- Quinzena occitana en Òut-e-Garònà del 26 d'Abrial al 8 de Mai : aquesta manifestacion es organizada per las 5 associacions occitanas del 47 (ACPA, ATP Marmanda, Agenés Terra Occitana, EOE-IEO 47 e Oc-Bi 47) en partenariat amb lo Consèlh General. Prepausau mantunas animacions sul departament : conferéncias, bal, concèrt, animacions dins las escòlas, passejadas... L'EOE-IEO 47 prepausèt : 9 conferéncias toponimicas menadas ; una conferéncia de presentacion de la lenga a Villeréal ; 1/2 jornada de descobèrta de la lenga e iniciacion a Monbahus seguida de l'Inauguracion de la Quinzena

## L'occitan blos

### Preterit o Passat compausat ?

«Foguèt encargat de far los corses en 1957.»

Quand parlatz de quicòm que se situa dins lo passat, i a dos cases : siá la causa se situa dins un periòde qu'i sèm pas pus dedins (*Lo vegèri ièr*) ; siá se situa dins un periòde qu'i sèm encara dedins (*L'ai vist aqueste matin*). Dins aqueles dos exemples, de segur lo periòde de referéncia es la jornada.

Cò que fa que dins lo compte-rendut d'un eveniment que se situa per exemple una mesada abans lo moment present, lo temps que s'emplega dins un occitan blos e natural es lo preterit (*cantèri, bastiguèri, batèri*) e non pas lo passat compausat (*ai cantat, ai bastit, ai batut*).

*Joan Fay ..., menat per son filh Miquèl, participèt a bona part del Consistòri.* (Nadal Lafont, Lou Felibrige, genièr de 2012, p. 20).

*Lo beure d'onor reüniguèt les Majorals e les felibres de la Mantenència.* (Ibidem).

*S'ausiguèron tanben la parlicada... de Joan Fay... e l'intervencion de Miquèl Jabiòl.* (Ibidem).

*Majorals e majoralas seguèron lo Capolièr.* (Ibidem).

*Dissabte 3 de desembre se tenguèt a Tolosa lo primier acamp de la novèla mantenènça.* (Ibidem)

*Lo Capoliè declarèt oficialament creada la Mantenènça de Gasconha - Naut Lengadòc.* (Ibidem p. 21) *L'amassada se contunhèt doncas pèr un escambi sus las accions a menar.* (Ibidem)

*Defuntèt a Barcilonona lo 17 de novèmbre passat lo Sòci dau Felibritge Enric Garriga Trullols.* (Ibidem p. 37) (Pel confort de lectura dels lectors, ai metudas totas las citacions en grafia occitana, mas sense cambiar res a la lenga. L'original pòrta, per exemple : «Defuntè à Barcilonoun lou 17 de nouvèmbre passa lou Sòci...».

*La lei Deixonne foguèt votada lo 22 de decembre de 1951.* (La Setmana, 23 de decembre de 2011, p. 6).

*Marcèu Esquieu foguèt encargat... de far de corses d'occitan (a gratis) en 1957.* (La Setmana, 23 de decembre de 2011, p. 7).

Aquel emplec del preterit es comun a totes las fòrmas d'occitan, quin que siá lo dialècte. Quand mencionatz un eveniment que se situa a un moment del passat ont la data es precisada, lo mai sovent es lo preterit que s'emplega : «*Lo 12 de decembre, a Vitòria, lo president de la Region Aquitània e del govern basc sgnèron una convencion.*» Dins una tala frasa, es pas possible de dire «*an signat*».

Jacme TAUPIAC

Val mai estre mòra ric que crestian paure.  
 L'argent pòrta medecina. L'argent fa cantar los òrbs.  
 Plèu totjorn sul banhat (La pèira tomba totjorn al clapièr)  
 L'argent va a l'argent.  
 L'argent es de mal ganhar. L'argent se ganha pas a carradas.  
 L'argent se compta dos còps.  
 Plaidament, manjamant d'argent.  
 Pichon profit emplís la borsa.  
 Pèrda d'argent es pas mòrt d'òme  
 Cadun paga amb sa moneda.  
 L'argent a pas de coa. L'argent a la coa lisa.  
 L'argent durbis totas las pòrtas.  
 Argent degut es pas en pòcha.  
 L'argent de glèisa se'n va coma es vengut.  
 L'argent es un bon vailet, mas un maissant mestre.  
 Val mai gents qu'argent.  
 Per pagar e per morir, es totjorn trop matin.  
 L'enveja de ganhar fa pèdre...  
 Sens argent se canta pas messa.

**Un aware** : *pacre, pelaud, cagadur, cagamalhas, cagaprim, raicivada, rasclamilhàs, detcrocut, racós, rascàs, rascantha, sarrat, sarra-piastras, sarraliards, cusson...*

Fa dos còps d'una alumeta.  
 Escorgariá un pesolh (*un peu*) per n'aver la pèl.  
 Copariá un pial en quatre per n'aver la mesolha.  
 Vend lo molin mas se resèrva l'aiga.  
 Vòl la còca e mai los sòus.  
 A paur que la tèrra li manque.  
 Gausa pas escupir, de paur d'atraper set.  
 Es talament rascantha, que te balhariá pas mesma la ronha.

#### **Los que tiran lo diable per la coa :**

Li manca totjorn cinc sòus per far un franc.  
 A tant d'argent coma un grapalh de plumas.  
 Quand òm a pas un sòu en pòcha, cal aver de mèl en boca.  
 Dieu fa pas totes los paures : n'i a fòrça que s'i ajudan.

*Joan RIGOSTA*



Gravadura de J.J. Grandville

en rapòrt amb la senhalizacion bilingüa faiada dins lo vilatge ; d'animacions en centre de lésers ; d'espectacles contats a Monbalen e Boé e un concèrt de cant a Laroque-Timbaut.

La subvencion tocada per l'EOE-IEO 47 servís a pagar en granda partida las animacions + una partida del secretariat per la coordinacion del trabalh.

- **37<sup>a</sup> Escòla occitana d'estiu** del 14 al 20 d'agost a Vilanuèva : 105 estagiaris en 2011 // 107 estagiaris en 2010 ; bona participacion dels dròlles 25 en 2011//22 en 2010 e joves 12 en 2011//9 en 2011 ; mai de familhas.

Punt positiu : serada de clavadura de l'estagi al còr de la vila en partnariat amb la comuna de Vilanuèva

Decas : setmana trop corta, manca d'explicacions en francés lo primièr jorn, luòc isolat de la vila, la ponctualitat.

Qualitats : la lenga, lo banh linguistic permanent, profesionalisme de l'ensenhamant, la convivència, los escambis, diversitat de las activitats, l'interdialectalitat, ...

Prepausicions : melhorar la comunicacion e l'informacion sus internet, mandar pro d'ora las entresenhas per la formacion professionala, visitas dins lo sector environmental, ajustar pels joves d'activitats esportivas, melhorar la ponctualitat, melhorar la presència del gascon a la librariá.

- **Librariá** : foncciona plan pendent los estagis mas baissa de la freqüència a la botica.

- **Corses per adultes** menats per la nòstra associacion : St Sylvestre, St Pierre de Clairac, Agen e Monflanquin : un vintenat de participants. Pus de cors a Vilanuèva perque pas de professor per remplaçar lo Frederic. Lo Felip mantien un rencontre e conversacions a Vilanuèva cada darrièr divendres de cada mes, una còla de 5 a 8 personas son acostumadas a venir.

Aquestes corses son organitzats en partenariat amb l'IEO Aquitània. Pel moment lo Consèlh general 47 dona res pels corses per adultes. L'IEO Aquitània nos a entresenhat sus aquel problema, se aquò dura, poirà pas manterer los corses sul 47.

- **Activitats annexas** : trabalh linguistic fait per de membres de l'associacion doneron lor retribucion a l'associacion ; una autra associacion occitana paga a l'associacion l'ocupacion d'una partida del local + secretariat ; l'IEO nacional rompèt, fin de genièr 2011, la convencion amb nosautres pel secretariat assegurat per l'EOE, per de rasons finanzières ; una comission departamental foguèt creada amb administrators locals per desenvolupar las accions locals, un còp per mes s'amassa al burèu. ; pels desplaçaments dels benevolès en 2011, una letra lor serà mandada per la deduccion fiscalia.

#### **Bilanç financièr de 2011**

Bilanç negatiu, perta de 6677 € per l'annada.

En 2010 lo bilanç èra positiu de 2927 €.

Aquò s'explica :

- per d'augmentacions de las cargas de fonctionament de l'associacion e de las tarifas de prestacions dels locals logats per l'organizacion dels estagis.

- e subretot per de baissas de las vendas de libres/CD, de las activitats annexas tornadas facturar, e de las subvencions.

Perspectivas financieras : demora encara un pauc de reserva per téner una annada. Se l'exercici 2012 èra el tanben deficitari, la situacion finanzièra de l'associacion vendriá problematica. Coma las subvencions an pas aumentat, cal que las autres recéptas o fagan, amb per començar una bona frequentacion per l'Escòla d'aqueste mes d'agost.

## B• Projèctes 2012

### - Dictada occitana a Vilanuèva d'Òut

Foguèt decidit a un CA de suspendre l'organizacion de la Dictada a Vilanuèva en 2012. Veirem en 2013 se la tornam far o pas.

- **9<sup>a</sup> Escòla Occitana d'Ivèrn a Burlats** (81) del 20 al 24 de Febrìer 2012 : participacion 23 estagiariis, un pauc mens qu'en 2011 e mai d'estagiariis a la jornada ; una convencion foguèt signada entre lo CFPO Miègjorn-Pirenéus e l'EOE-IEO 47 per permetre a la nòstra associacion d'acuelhir d'estagiariis en formacion professionala contunhada ; lo Molin dels becabòsques prepausèt de repais faits per un professional de la comuna emplegat pel Molin, melhora qualitat ; bon acuèlh dins la comuna de Burlats (encontre amb lo conse, ofèrta de l'aperetiu d'inauguracion dins una sala de la comuna, mesa a disposicion a gratis d'una sala d'espectacle) ; vertadièr partenariat amb lo Centre occitan del país Castrés (animator de dança e conferencier a gratis, prepausicions de grops, espandiment de las entresenhias lo-calament, rapòrt amb la comuna, ...).

### - Quinzena occitana en *Out-e-Garònà* del 16 al 31 de Març

Prima dels poètas : pas gaire de public (d'autras manifestacions lo meteis ser, cambiament de luòc fòra la vila ?). Pas d'articles de premsa, çaqueïà la comunicacion foguèt faita coma de costuma. Serada un pauc trop longa. Çaqueïà cal manténer aquela manifestacion poetica.

Prepausicions : far la traduccion francesa abans lo poëma legit dins sa lenga originala. Ensajar un autre luòc en vila.

Conferéncias topónimicas : monde mai interessats que l'an passat, la capitada de las conferéncias dependià de la comunicacion faita per la comuna e la comunautat de comunas. Ont las collectivitats avián plan fait lo trabalh de ligam, i aguèt un public. Lo public èra mai important quand dins la collectivitat aviam un correspondant local que nos ajudèt dins los ligams amb la comuna o la CC. Las conferéncia aguèron una bona cobertura dinsla premsa.

Prepausicions : far una tièra de correspondents locals per canton per nos ajudar dins las manifestacions a venir, ensajar de far passar d'articles dins la premsa mai sovent.

- Serada conferéncia-contada sus Jansemin : los animators fo- guèron plan contents, un trentenat de participants.

### - «Monsenç del Porcanhac» de *Marcèu Esquieu*

Revirada occitana de «Monsieur de Pourceaugnac», comèdie-balèti de Molière (1669.)

64 p.-8 € - En çò de l'autor : Nadalia - 47340 HAUTEFAGE LA TOUR

*Notatz plan*. Dins aquela comedie-balèti famosa, se tròban doas scènas en occitan de Pezenàs ! (Acte 2 : scènas 7 e 8.) « *Lucette contrefaisant une languedocienne...* ».

Atal, ai pas agut besonh de cambiar res a las tiradas d'aicesta Luceta.

\* Coma se faguèt a l'EOE per *Antigòna - Aristofanada - Fortunat - e Patalin*, en 2012, sètz convidats a la nòva lectura teatralisada de «Monsenç del Porcanhac» adobada en abans primiera, per 4 comedians de la Rampa.

- dijous 16 d'agost a 15 h, Vilanuèva d'Olt, licèu l'Ostal. Intrada liura.

\*\* Darrièra novèla. **La Rampa-TIO** anonça, per 2012- 2013.... la creacion de la pèça de Molièra revirada en occitan pel Marcèu Esquieu. Manquès setz pas de convidar los comedians de la venir puèi jogar dins vòstra citat...

### - «Camilha, un dròlle del país d'Òc» de *Robert Gilis*

Préfacia de Frederic Fijac. Roman bilingüe, d'un costat en occitan de l'autre en francés.

186 p. - 17 € - Editions du Bord du Lot - 10 Boulevard Danton - 47300 Villeneuve sur Lot - 05 53 49 45 23 - www.bordulot.fr

«Quand pensi a la vida de mos aujòls al final del siècle dètz e nou me sembla tornar un moment amb els. Patissi coma patisson al trimadis, me regaudissi come els, en s'escaudurant devant lo fuòc al canton, en niflant lo bon odor de las castanhas que petonejan dins la padela traucada,...»

## L'argent...

### Provèrbis e biaisses de parlar

L'argent : *la dardena, los sòus, la pecunha, los picalhons, la rambilha, lo clècüs...*

L'argent tin-tin :

*S'as pas de tin-tin, auràs pas de catin...*

*Quand ma pòcha fa tin-tin, tot lo monde es mon cosin...*



Aquel a de sòus coma un can de piuses (de nièras)

Aquels, son avodats a Santa Pecunha...

A desterrat la topina.

Aqueste, manjariá lo verd e lo sec. A las mans traucadas

D'argent, ne cal (mas l'argent fa pas tot...)

Se vas a la fièra sens argent, lèva lo nas e tòrna te'n.

*«As aquí vint sòus, per te crompar pastilhas o sus cavalets de fusta cavalar. Va t'amusar amb los autres, Marcelon !»*

Per far plaser a la Mamà, me sarrèri enfin d'un cuvat bèl copat en dos, emplenat d'aiga e que i nadava dessús qualche guit foirós desalatat. Era mestier de lo pescar atal amb la canavera e l'anèl gròs pindolaire a cap de fial...

La gitana que teniá botiga, ajudava los caganises trop maledreits, coma ieu. Se podián ganhar atal lecariás menudas e barranquinas.

Pesca faita, a pro pena, e plan content, tornèri atal a ma maire, lo sucreiton de veire... que de segur a l'otal nos fariá besonh...

\*\*\*

A l'ostal, quand èri encara per nàisser, avián barrada una pòrta dins la paret, per adobar una cambreta a mos parents e lor i quitar atal un pauc d'intimitat.

Aquí nasquèri. Aquí moriguèt ma maire, qu'aviái que dotze ans, peccaire !

Tota mon enfança, conequeri tala, la cambreta.

Lo leit paure de cerièr cerat. L'enfilada de fusta placada, amb dessús pausats, dos peissses exotics bessons conflats de pailha, dels uèlhs grandasses escarcalhats que m'agachavan...

Color de mar al mitan de l'enfilada, un vas de veire espés tintat. Lo miralh grand fumós dins son cadre de gip daurat...

Al cabès del lèit, la crotz de coire lusenta, amb lo candelièr rosinós e lo ramelet de laurièr sec benenesit, a posita sus la taula de nuèit, per nos i parar de drl pericile e de totis mals : « *a fulgure tempestatis, libera-nos, domine!* »...

Cinquanta ans pus tard, quand foguèt dubèrta tornamai dins la paret, la pòrta doblidada, i solfinèri encara, coma dins un gabinet de pèira, una flairor prusaient de moisidura...

Un grand voide desesperat de ne plorar...

Uèi, sabi, que de nomenar encara simplament de causas umilas, de las cridar pro fort per lor nom... me tòrnau vivas un còp encara, de turras mòlas e de cendres caudas, a las pòrtas de l'ivèrn...

*Marcèu ESQUIEU*

## Dins l'edicion

### - «Patalin : l'enganaire enganat» de *Marcèu Esquieu*

Farcejada del sègle XV, plan revirada a l'identic en verses octosyllabics, amb lo tàct francés-vièlh a posita.

140 p.- 10 € - Adreiça çai-jos.

- 22 -

- Rencontres dels corses per adultes a Laroqua amb espectacle de Maria-Odila : pauc de monde (10 personnes) mas de monde interessats per la lenga.

- **Manifestacion a Tolosa** un autobús foguèt organizat per la nòstra associacion per desparts a partir del Vilanuèves e de l'Agenés. Un trentenat de personnes participeron.

### - 38<sup>a</sup> Escòla occitana d'estiu a Vilanuèva

- programa çai-junt  
- escoleta : trobar una persona per remplaçar Lucia  
- talhièr amb Maria-anna Chateaureynaud per trabaillar sus l'Agenés occitan

- proposicions de passejadas pel dimèrces : • caminada lo long d'Òut a Sint-Salvèstre amb de moment de cant (Pèire) e de contes (Maria-Odila) • Musèu del Fetge gras a Frespech per Ives Boissière • passejada contada a Gavaudun per Bernat Bergé.

- dedicar l'escòla a l'Enric Garriga Trullols, de veire amb lo CAOC per l'organizar

- **Corses per adultes** : rencontre amb lo Consell General 47 pel finançament dels corses e per las despensas de desplaçaments dels benevoli caldrà trobar una autra solucion

### - Pòle ressorsas

Lo Consell general 47 vol una associacion unica dins lo domeni de l'occitan. Las 4 associacions d'Òut e Garona (*ACPA, ATP Marmande, EOE-IEO 47 e Oc-Bi Aquitània*) devon far una Union d'associacions per simplificar las demandas de subvencion al Consell General 47. Las associacions trabailleron donc tota l'annada 2011 sus aquel projècte d'union. A l'ora d'ara lo projècte es metut de costat per de rason de foncionament incompatible amb lo foccionament de las autres collectivitats (*Conselh Regional d'Aquitània*). Las associacions an donc tornat demandar caduna la lor subvencion al Consell general 47.

### C• Consell d'Administracion e Burèu 2012

- Consell d'Administracion 2012 : Bernat Bergé, Joan-Jacme Bézelgues, Pèire Boissière, Olivièr Caponi, Maèla Cloarec, Felip Depaire, Maria-Odila Dumeaux, Terèsa Duverger, Marcèu Esquieu, Frederic Figeac, Bernadeta Fournié, Rogièr Gaston, Patrici Gentié, Joan-Felip Joulia, Max Lafargue, Joan-Pèir Miner, Renat Rerset, Vincent Rivière, Lucia Roulet, Maud Séguier e Martina Tardif.

- Lo Burèu elegit pel Consell d'Administracion en 2012 : Pèire Boissière President ; Bernat Bergé, Olivièr Caponi e Vincent Rivière Vice-Presidents ; Patrici Gentié Clavaire ; Frederic Fijac Clavaire-adjunt ; Lucia Roulet e Terèsa Duverger Secretariás ; e Marcèu Esquieu President d'onor.

- 7 -

## OMENATGE a Enric GARRIGA TRULLOLS



Lo 17 de novembre de 2011 l'Eric nos quitèt.

L'E.O.E. que pèrd aquí l'amic de totjorn, lo fisèl companh de las bonas e de las marridas passas, l'artesan incansable de l'amistat occitanò-catalana li dedicarà l'escola venenta.

Publicam aici las paraulas pronunciadas pel Bernat a l'ocasion de l'omenatge que li foguèt rendut aqueste estiu, quelques meses abans la siá partença.

*Escola occitana d'estiu, Vilanuèva d'Òlt, lo 18 d'agost de 2011*

Nosautres, a l'Escola, avèm per costuma de far d'omenatges als vius, tant que son vius, e non pas als mòrts, quand son pas mai aquí per recuelhir la frucha del siu travalh. L'an passat èra lo Marçeu, ongoan es tu, Enric.

Enric, pel primièr còp dempuèi 35 ans, ongoan, sès pas present entre nosautres a'n aquela 37<sup>a</sup> Escòla Occitana d'Estiu. Sès pas aquí e i sès tant as marcat de la tiá preséncia, del tiu travalh, de la tiá persona la nòstra Escòla. L'òbra de ta vida es totjorn estada de desenvolupar l'amistat occitano-catalana pels rescontres, pels escambis entre los dos pòbles. La desenvolupar en promoure la cultura e la lenga occitana en Catalunya e a l'encòp en fasent se resconrar Occitans e Catalans. Escambis culturals, escambis linguistiscs, òc ben, mas tanben e sustot ligams d'amistat entre las personas.

As comprés que l'Escola Occitana d'Estiu podiá èsser un luòc de tria per aquela coneisença recipròca, aquel afrairament que ne so-miavas al C.A.O.C. As fait la promoción de la nòstra Escòla en Catalunya. I as menat de centenats de Catalans. L'as sostenguda, ajudada a cada còp qu'era dins la marrana. Nos as fissat a cada còp que nos alassissiam, que nos acossomissiam o qu'anavèm francimandjar.

De la nòstra Escòla Occitana n'as fait una Escòla Occitano-Catalana. Sens t'estalbiar, en nos balhant una leiçon de las bonas de militantisme, de devucion, de teneson, as capitats de teisser ligams fòrts, vertadièrs, concrets entre los òmes e las femnas que vivon dels dos costats de la montanya. As contribuit a esfaçar del libre de l'istoria las regas qu'avián ensajat de nos desseparar.

Enric, mercès a tu, avèm amassa bastit Euròpa, non pas l'Euròpa del mercat e de la finança, mas la dels pòbles que vivon quilhats, dins la dignitat e la frairetat.

Enric, te disi, te disèm totes a l'an que ven.

Uèi, quaranta ans aprèp ... vaquí çò qu'ei encapat, que vèsi pas que quatre solucions :

- los parents volián puslèu de merguez.
- la salsissa, la cal eissugar aprèp la pesca.
- a Sauvetèrra, la cal puslèu amassar dins los bòsques.
- lo quasèrn de catequisme aviá balhat un gost a la salsissa .

*Felip DEPAIRE*

## Frasas mòrtas de rèira sason

Un còp èra, sabiái dire las causas, sens quitament i pensar, sens forçar brica. Tanlèu pensadas, enregadas, tanlèu ditas, mas paraulas ! Quora una, quora l'autra, me venián, coma bèstias que s'amassan al pas del prat, e se van jaire a la jassa, lo moment vengut, per se far molzer...

Ara, los mots, mai d'un còp, me mancan e me quitan mut. E me tòrnau, a butidas, sonque mot bistòrds, frasas malautosas...

\*\*\*

Erem totes arremosats, los de l'escola, dròlles e dròllas, dins la glèisa de Nautafaja.

Lo quite regent, nos i aviá menats, en silenci, dos per dos, a l'enterrament de nòstra companha, la paurota, mòrtia en quelques jorns, a uèit ans, d'un mal que los medecins lo garissián pas : la poliomelita, digueron...

Sul bancairon redde de casse que me macava las patèrlas, agachavi ieu.

Doç que doç, al dessús de la caissa estreita, agachavi lo fumarèl d'encens que pujava amont-naut... abans de nos quitar definitivament e dins lo rai de lum tot daurat de la veirièra, s'esperlongar...

\*\*\*

A là vòta de Nautafaja, lo darrièr dimenge de setembre, que daurejavau los vinhals, mos parents me i menèron, tot crane e vergonhós, de tant de monde festejaires...

La vesinalha atropelada s'amusava de me far parlar.

« *Coma es escaravilhat per son atge, aquel pichonèl !* »

Ieu, contra ma maire, tot vergonhós, me sarrai.

Dins lo mèma temps, afadida, la drolalha cridassière, entre las femnas s'enfonlhava.

Me i fasián las còrnas, envejoses, los polidets, e quora un, quora l'autre, per las pelhas me tirassavan...

Honts: Aqueth conde de la tradicion gascona de Sent-Esperit qu'estó sauvat deu desbromb en 1941, malurosament en Francés, preu Renat Cuzacq, dens lo son « Panorama de la literatura gascona de Baiona ». Que'm soi esforçat de l'arreviscolar en gascon deu parçan au parat deu second Hestenau Gascon de Baiona, lo 8 de julhet de 2011.

Miquèu BARIS

N'am traversat nau lanas – Com e morín dotze landés de Sent-Esperit.

## Sèi un incomprès

Coma cada dimecrés, davalavi la còsta cargat de mon cartable, lo del catequisme. Sentiment de libertat d'aquel que se va far cagar. Mièg content quand mèma qu'aprèp lo caté, i aviá la pèsca sul pont. E mai, me teniá la moneda setmanièra per tornar lo bistec a l'ostal, e quelques bonbons en mai.

Lo catequisme se debanèt coma a l'acostumada : cagant. Comprèni totjorn pas qu'i agèsse un tipe en naut setat sus una nivol.

Alavetz, de la caminada al pont de Lemança, i a pas que vint metres. Los companhs mescresents èran jà a l'òbra qu'èran d'eles qu'aprestavan las canavèras a nosaus los crestians. Coma a l'acostumada, òm agantava pas res, qu'erèm de pescairòts, çò disiá lo paire.

Mas aquel jorn, coquin de sòrt ! Tot d'un còp, del rajòl prigond, nos davalèt un bestiolàs ... d'un quinzenat de metres de long . Jà, vos entendi pensar que fau lo flin-flau e que me cresètz pas gaire ... Nècis !

Vos caldriá saber qu'a Sauvetèrra, la maselariá tanben, èra a costat de Lemança . E cal dire las causas coma son, la salsa es un peis de bon pescar. Ço primièr la te cal ferrar bravament, te malfisar que s'engulhèsse pas dins un cròs, que te copèsse pas lo fial puèi tirar plan planet que se defend pas gaire.

Aviam que de nos partejar aquela pesca , la del sègle.

Caquelà, èri tot sol d'aver de tornar la carn a l'ostal.

M'en carguèri un bèl detzenat de metres, a far petar lo cartable de catequisme. Ambe la moneda estalviada, anèrem al brutle a l'espiciàri. E bonbons e chuquetas a bodre pels pescafins.

Pugèri a l'ostal content coma una pola qu'auriá trobat un cotèl. Dintrièri en ço mèu coma un «Conquistaire», d'aqueles que te tornan lo burre e l'argent del burre. E per afortir ma capitada, anguèri sul pic dins la cambra, en daissar lo cartable sus la taula de la cosina.

La seguida, i compreguèri pas res. Lo papà me balhèt un butassal de primièra, e la mamà ...de bramar que bramaràs !

\*\*\*

Quand prononcèri aquelas paraulas, aqueste estiu, a Vilanuèva d'Òlt, a la 37<sup>a</sup> Escòla Occitana d'Estiu, sabiá pas qu'èra lo darrièr còp que te parlavi del tiu vivent.

L'Escòla Occitana d'Estiu es en dòl. A l'intrada de l'ivèrn, la Granda Dalhaira t'a pres, Enric. Demoram nosautres amb la dolor de la pèrda d'un just, d'un valent, d'un amic. Demoram amb la memòria, lo tiu eretatge, la tiá òbra, lo tiu esperit. Demoram amb la vida que contunha.

Ara, Enric, mentre que jases en patz, nosautres nos cal continuar, es lo nòstre dever, sul camin qu'avèm seguit, amassa, man dins la man, pendent 35 ans.

D'amont naut la tiá estela que i lusis nos accompanharà, ne sèm segurs. D'amont naut, Enric, demoraràs prèp de nosautres, dins los nòstres còrs, per que posquam dire longtemps, totjorn : «Visca Catalunya, visca Occitania !» en memòria de tu.

Bernat BERGÉ

## Un remembre per un "tresen pepin" per ieu

De pepins, normalament, n'i a dos. E son los paires del paire e de la maire.

Ieu, dempuèi plan jove, n'aviá tres, de pepins. Aviá un pepin de mai, que m'apreciava, que me sonhava quand èri luènh dels parents, que m'ajudava en çò que podiá, que risiá amb ieu, que me compreniá, que sabiá tot çò que m'arribava sens cap de paraula, sonque un agach...

Gaireben seissanta ans nos separavan : èrem pas d'amics, èrem pas familha, èrem pas companhs, pas collègas, me considerava qui-tament pas solament una conejuda, una trabañadura...

E èra sénher Garriga, l'Enric, mens formalament ; lo president del CAOC e de l'IPECC, qui m'estrenhèt plan fòrt a la causa occitana, qui m'encoratgèt avançar en projectes qu'abans m'imagineva pas, qui m'escotava, me demandava ; qui amb un agach o un sorire, m'abraçava.

Un "pepin". Me l'adoptèri, e coma aquò l'ai aimat, e l'aimi... Lo mieu "tresen pepin"..., dirèctament jamai li o aviá dich. O sabriá ? ... Qual sap, degun jamai o sabrà pas. Degun jamai sabrà qué disián aqueles agaches que partejàvem. Sabi que sabiá de ieu, de causas que fòrça autres sabián pas. Sens demandar, sens cercar, en escotant solament, en observant, en sentint...

Totes lo remembraràn coma catalanista, president de l'IPECC,

combatiu inlassable, viatgèr insaciabla ; totes l'auràn en lo remembre coma occitanista fèrm, trabalhador, inlassable...

Ieu lo remembrarai coma la persona qu'èra per ieu : catalanista, òc; occitanista, òc; trabalhador, gaujós, confiat, intelligent, perfeccionista, sociable, combatiu, reivindicatiu, generós, testut, ambiçios, encoratjant... Un grand òme, una granda persona, un "tresen pepin" per ieu.

Meritxell PUEYO

## **L'estre / La chose de Miquel DESTIEU**

Qu'es aquel afar ? Qu'es aquel *Estre* que ven de sortir a las edicions «Gros Textes» amb una revirada francesa que te fai passar *l'Estre* a la quita *Chose*. L'estre, lo tipe qu'es l'autor de *l'Estre*, aquò's Miquèl Destieu. Los tèrmes d'Autafaja, en Agenés naut, l'an vist nàisser, e dempuèi lors lo monde l'a vist córrer. Mas qu'es aquela «ontologia» particulara que nos prepausa Destieu dins los tròces denses d'aquel recuèlh poètic que ven de recebre lo Prèmi Pau Froinent 2011 ?

Çò prumièr, i a la lenga: «*Tornar a-n-aquela lenga coma morir*». Per viure, en fait. Per cercar fòrt e mòrt la ressonància dels afars de la vida e de l'univèrs dins çò qu'òm es, çò qu'òm assaja d'estre sus la tèrra dels òmes. La lenga, de segur, la de las experiéncias prumièras, la de l'enfança. Una lenga qu'es a se pèdre, dins son quite monde que s'avalís. Una lenga, en mai d'aquò, qu'escapa, que s'aluènha quand òm dralha un pauc pertot. «*L'absolut es aquí, quand i sèm pas* .» Alavetz - coma en cò de tot vertadièr escrivere çaquejà - es una lenga que la cal tornar inventar del dedins. Aquò's ben per causa que Destieu ferralha ambe los mots coma lo faure d'Autafaja, lo Raol, sus son enclutge. Aquò's per causa que mascanya creadoirament, Destieu, ambe lo dire sieu e que, atal, dins la quita carn de las paraulas, a tustals, i fai amb l'Estre, per tal de l'arrapar, de lo fiblar, de lo plegar coma cal, -non sens ironia pr'aquò : «*Io n'ei pas los mots e quand m'arriba de los lançar, me tòrnau que me poirisson. Mès teni un biais singulier per ne nosar quauques-uns dambe lors braces e cambas. En primièr los fau trabucar e un còp per tèrra, te los ençauchi d'acièr. Sul pic botjan pus o ensajan un pauc per far mina d'estre colhonats. Coma los teni bravament, ne finisson de pernebatre nervosament. Alavetz, de romècs, d'ortrics e de brancas s'enclausan sus delsest dunc'al moment que cridan : «Arrête !» Mòli, ara que sèi sur de daissar traça durabla.*

«*Mais t'es con toi !» d'una votz intranquila, mièg béstia.*»

hemnòta, arren qui posqui retiéner un brave landés e hè'u daishar los amics...

E tots, las mans en cocuron, que lançan aperets retrenidors. Que lutzèran lo pè deu cèu. Arren ne pareish, arren ne mauta.

Totun, dens lo jorn qui s'escon, qu'entervéden ua espècia d'edicle... Qu'i galòpan... Un putz !

En tot clinà's suu bòrd, lo Pascalon de Cantagraulhas, un fin braconaire qui n'avè pas lo son paríèr tà seguir lo pè deu gibièr... e deu guardacaça, que's ved, dens l'aiga miralhanta, un auburi brumós.

Segur que lo parelhan, esvarjat preu flaquer e per la calor, qu'a volut béver au putz. Un còp de holia, que'vs disi... Lo praube que s'a devut pèrder lo suscipiat.

« Ne daishan pas los amics dens la pena. Lo putz qu'es pregond, mes qu'èm nombrós e hòrts... E, en tot suspéne'ns los uns aus auts, qu'arribaram ben dinc a l'aiga, segur », ce's pensèn los dotze gojats.

Dit, hèit ! Lo Ninon de Curapipa, larg com ua barrica, fòrt com un bueu, e tinhós com ua mula, que's gaha la hica deu putz. Lo Peiton deu Prolhatar, qui n'èra pas guaire mensh hòrt qu'eth, que se l'arrapa las camas. E puish tots los auts... dinc a formar ua cadena trantalhanta qui devarava dens la pregondor deu putz.

Tà aténher l'aiga, que se'n mancava de chic, just la hautor deu Francilhon de Plantapunta qui, au son torn, passant de còs en camas e de camas en còs, enterprénó la devarada.

Que i avó ben quauque « Diu vivant », quauque « Hilh de puta », o quauque « Macarèu », dab quauques auts arneguets plan sentits, quan quauque nas estó un chic esglachat e quauqua aurelha escarpida, mes, fin finau, l'operacion que s'aviava de cap a iva escaduda cèrta.

Lo Francilhon que n'èra a la mitat de la devarada quan, deu haut de la cadena, la votz sharra deu Ninon de Curapipa e's hasó enténer : « Ne me'n pòdi pas de me ! Las mans que se m'escòsen. »

Alavetz, lo Francilhon de respóner dab un bon arríder : « A tu pegòt ! N'as pas sonque a t'escopir dens las patassas. »

Atau que hasó, lo brave Ninon, preu malaür de tots.

Quauques crits d'angoisha, un gran « flòc », quauques arròus au ras de l'aiga, e puish... lo gran silenci.

Qu'es atau que, de cap a 1855, dotze landés de Sent-Esperit-deu-Cap-deu-Pont e's neguèn suu camin de la lana, eths qui volèn anar mei luenh que Capberton, mei luenh que Soston, mei luenh que Mamisan... Qu'èran sonque onze au comptar deu Juston de Crabbamòrta, purmèr prèmi d'aritmètica a l'escola deus frairs, mes qu'estón totun dotze a negà's... per aver desbrombat que « jo » n'es pas iva chifra... o bilhèu per non pas ac aver james sabut !

òmis coratjós. Qu'estón dotze a gausar partir. E que's hiquèn lo camin devath los pès. E caminar, e caminar, e caminar...

Òc, que partin, los dotze landés, plan mei luenh que Capber-ton, plan mei luenh que Soston, plan mei luenh que Mamisan, plan mei luenh que... Mes a çò que serveish d'ac díser, qu'ac vederam a l'arribada !

Que partín, acompañhats preu cant de las cigalas, devath un beròi sorelh. Que hasón carrisquejar las garbalhas e lo sable devath los pès. Que flairejava bon la gema qui shudava deus pins, e lo bruc eslorit qu'ac embaumava tot adarron...

Totun, a sococ, lo besonh de's pausar que's hasó sentir. Los arms qu'èran flacs, las ganurras qu'èran secas... Que's sedón en aròu au miei d'ua artiga. Que calè agerga's las fòrças. Lo cujon que passè de mans en mans, dab lo pan sec, los tròc de shingarra cuèita de la velha, e lo hromatge de Postanhac... E puish que batalèn ua bèra paua abans de s'esténer sus un lheit de heuç, en pensant a l'aviéner, a çò qu'anavan trobar mei luenh que Capberton, mei luenh que Soston, mei luenh que Mamisan...

Tot a trac, lo Juston de Crabamòrta que's quilha de pès e que demanda lo silenci. Qu'èra lo capdau arreconeugut de la tropa, pr'amor qu'èra lo mei goarrut... e lo mei avisat tanben... com ne testimoniava lo prèmi d'aritmética qui s'avè obtienut quan èra joen, quan los parents, qui èran sartos, e l'avèn podut pagar l'escòla deus frairs.

Alavetz, après aver espiat adarron totas las caras viradas de cap ad eth, que disó : « Qu'èram dotze quan èm partits. Èm segurs qu'èm tots aquí ? »

E com èran tots seduts en aròu, lo compte que pareishè aisit de har.

Alavetz, lo Juston, en tot trucà's la peitrina, que disó : « Jo » tà començar lo compte, puish en puntejar lo lecatopin de cap au son vesin de dreta, que disó « un », puish « dus » tau seguent, e atau en segunt dinc a esquèrra.

E que'n trobè sonque onze.

« Que'm soi enganat ! », ce disó en arríder, e que tornè començar : « Jo, un, dus, tres... » E enquèra onze.

Un chic blanquishòt de vira-sang a la pensada qu'un companh e s'èra bilhèu esbarrit, que hè un tresau comptatge : « Jo, un, dus, tres, quate, cinc, sheis, sèt, ueit, nau, dètz... » E tostems onze.

Segur qu'un parellhan e manca a la crida ! Esbarrit ? E on ? Totun, en cors d'etapa, sonque pinhòts, cassiòts, brana, gèstas, heuç, e sable... Pas nada aubèrga, pas nat estanquet, pas nada gojatina o

Dins aquela adralhada esquerrièra, aquò's totes las situacions, totes las experiéncias de la vida-vidanta que convòca Destieu a bèl talh de paginas, ambe l'umanitat qu'a pogut rescontrar çai o lai - i tornarem : es un afar central- mas tanben tot çò pus mendre, tot çò que fai la vida umila dels endreits : « *Una tronçonusa al luènh que chincholha contra quauques còps de fusilh* », sens oblidar los alimans, mai que mai « *las agaças, los corbàs, los gais, los tais, los rainards... tots aquels vesins de casals qu'an ajut lo bon gost d'estre maissants a minjar.* » L'Estre aima la salvatgina...

Om zo vei, aquò's pas aquí un afar lisque e coladís, una poësia polida claufida de lirisme atendut, un enième « cant del país » dins la lenga de l'endreit! Aquò's tot al contra una conquèsta malaisida e malsegura, una victòria trastejaira sus la pèrda e sul neient, dins un parlar rufe, trantolaire, que totjorn escapa a sos lòcs d'enraiçament e totjorn t'escapa. Destieu fai de funtas - « *L'ortografa e ieu fai bèla paua que sèm brolhats* », çò ditz-, de còps que i a francimandeja – « *Que lo francés i angue se lo gascon pòt pas i anar !* » : tot aquò, donc, es pas lingüisticament corriècte, e poèticament enquèra mens. Aquò's pas corriècte, rai, sonca que la vida tanpauc 'mageni! *L'Estre*, fonsalament, es pas corriècte, *L'Estre* assaja d' « èstre », ni mai ni mens : a paupas, a brigalhs de cercà e de tustals . E òm devinha l'enjòc màger d'aquel escriure : un afar vital, ont l'autor se jòga tot simplament la pèl. Sonca que s'i cal pas enganar : empacha pas que l'entrepresta siá, a còr de fracatge, remirablamet endevinguda : amb un ritme, una pulsacion e un «son» magnifices : lo son de *L'Estre*.

Mas *L'Estre*, e la lenga, aquò's tanben l'existéncia e lo parlar dels autres, d'aquels que Destieu a escotats, el qu'a ausit çò que d'acostumada òm ausís pas, en cò d'aquels que las endevenenças de la vida e lo malur los an gandits per òps dels univèrses dits « normals ». Destieu a ausit d'efièit una paraula inausida e sovent literalament inausibla: la paraula a l'encòp empenada e brigalhada, la paraula *en patés* d'aquels èstres qu'eles tanben mascanhan per dire, per tòrcer los paures mots, per los articular demièg l'ostilitat e l'incomprendeson fonsala del monde. E aicí, dins *L'Estre* de Destieu, aquels macats de la vida, parlan, Parlan escarsament, mas parlan pr'aquò dins la plenitud del parlar : Destieu los desregla a la negacion de lor èstre en los tornant a la vertat de lor dire dins la noblesa del patés, ausit, entendut, reconegut, aimat.

Om z'aurà comprés, *L'Estre* es pas lo resson d'una quèsta reduida a-n-un individú, a-n-un «èstre», es la cercà fonsala d'un sens que tintaina l'umanitat, -universalment, se volèm emplegar los «grands mots» que Destieu los aima pas trop. En fait s'i cal pas enganar,

aquela cercà, e mai carcanhaira, es pas jamai amodada d'un biais pesuc, dramatique. Lo quistaire metafisique es tanben un cosinièr - un que «*dins la coja vei de'n primièr la sopa*» - e un remirable cosinièr de l'escritura, d'una escritura qu'es un bonur tot lo long del libre. Un escapolon per acabar : «*La figura culinària de la metempsicòsa : la ratatolha. De rèstas pro aptissents per donar l'enveja d'una recomposicion.* »

Bon apetís!

Joan-Pèire TARDIU

Extrach :

*A dus pas de la cura s'estira una paret ont se sarran los limaucs. Lor i cal d'auratge per cornar.*

*Sèm dimenje, totes ataulats per gostar en silenci las bestiòlas que la boca ne peta d'èrbas frescas, amb una odor de mineral gris. Puès se paua pel mièg un gibièr. Anuèit son de perdrics amb lors legumas del casal, es colhon de zo dire.*

*Pausa. Los òmes quiton córrer la lenga dels tèrmes, que se pòt pas contar autrament caça, pesca, fadesas.*

*Fromatge de vaca e per ne finir, una tortièra amb un brin d'aiga de vida, pas mai d'un det a cósers puès que sèm a l'ostal de la costurièra.*

*N'aurèm jama pro d'aquel astre, que lo temps, del tanben, fai son cosinièr.*

Miquèl Destieu, *L'estre / La chose*,

texte occitan et traduction française,

Éditions Gros Textes -05380 Châteauroux-les-Alpes.

11 € - Prèmi Pau Froment 2011 - <http://grostextes.over-blog.com>

## Verdas joncadas

*Las carrèras diurián florir  
Tan bèla nòvia vai sortir;  
Diurián florir, diurián granar  
Tan bèla nòvia vai passar !*

Jansemin

Los vesins venguèron arser per copar las cimas de las laurières que grelhan al fons del meu casal.

Ne'n soi tot regaudit ; aquelas fuèlhas lisas, lusentas, d'un verd pallinèl, per un còp van servir a quicòm.

Emplenèron de sacas, m'expliquèron qu'anavan causir las fuèlhas mai polidas, las espandir al fresc dins lor cava dinc'a uei que va se maridar totara lor cosina e que i volon far una brava joncada.

De la finèstra alandada de mon burèu los tres còps de la messa venon de picar al campanal de la gleisòta del vilatge e m'arriban d'alenadas nolentas de joncadas de quand èri pichonèl...

- 12 -

Coma se vetz, l'influéncia dels Trobadors es estada considerabla. Non solament an fait dardalhar sus tot l'occident lor engèni propi, mas an tanben fait nàisser la poësia nacionala de mai d'una nacion.

Andrieu LAGARDA

## Com e morín dotze landés de Sent-Esperit

Un còp èra, sus la lana de Sent-Esperit-deu-Cap-deu-Pont, un ligòt de landés qui vivèn un chic a l'estrem deu vilatge. Que valeré mélher díser qu'assajavan de susviver. L'ahar que's passè juste après lo gran aram de colerà qui avè desbaratat lo parçan de cap a 1850. E lo Pèir Hugas n'avè pas enquèra apitat la soa teulèra de cuchòts de Tarnòs. Los pins qu'avèn bèth començar a vèder granòts, l'amassa de la gema ne's hasè pas alavetz de faïçon sistematica. Tà's ganhar lo dequé, que i avè sonque quauques camps de milhada sus un terrenh sablut. Los cabelhs ne vadèn pas plan gròs, e los cocuts e los pinsans que s'ac chapavan tot abans la seguèra. Engreishar poralha tà la vénner au marcat, n'i calèva donc pas trop pensar... Iva vielha canta d'aqueth temps que rapèra ce'm sembla la hèita : « N'auram pas milhada enguan, non n'auram pas milhada... »

Que i avè totun quauquas vacas marinas qui peishèvan toja, heuç e auguicha, entre lo borg e la mar, en libertat au miei de las laiguivas e de las palivas. Quan veteravan, qu'èra a qui podè gahàs lo vetèth, se l'arpastar dab bren de blat... e, quan èra pro bèth, anarse'u marcandejar dab los carnissèirs de Baiona. Com èran valents e goarruts, e plegadís e tilhuts com gats magres, que trobavan tanben pro soent a s'embauchar com carrics au pòrt d'Ador, e quan la paga cadèva, que sabèn hestejar a l'aubèrga deu Molin. Qu'aimavan tot çò de bon. Que's galafravan tant que n'i avè : hitge de guit, confit d'auca, moleta de cèths o de lecassinas a la sason, murlats farcits pescats au chop a la barta, enterçòsta grasilhada dab escalonhas, hromatge de Postanhac... E que s'ahrescavan la ganurra dab vin vielh de Polhon. Aquò qu'èra quan tot anava de plan e tant qui avón sòus !...

Mes, que vs'ac èi dit, lo temps de la magrèra qu'èra vienut. Los solèrs e los graïers qu'èran vuèits, los guardaminjar, los cabinets e los cerèrs tanben. Praube monde, qu'èran tots ahamiats, e Diu sap s'èra mauaisit de se n'acostumar ! N'avèn pas mei lo mendre ardit au pochòt. Desempuish mei de sheis mes, n'avèn pas avut nat vaishèth a cargar o a descargar au pòrt.

Los nòstres landés qu'èran totun valents. « Lo monde qu'es gran, la terra qu'es arredona, e a fòrça de caminar qu'arribaram ben çà-o-là on e'ns poderam ganhar lo dequé... » ce's pensèn aqueths

- 17 -

Bartolomeu Zorzi, lo genovés Bonifaci Calvo, lo mantovan Sordel, que devián èstre los predecessors e mèstres de sant Francés d'Assisi e dels poètas de « Dolci stil nuovo ».

Los Italians cultivats, doncas, èran noirits de literatura occitana e Dante, coma plan d'autres, escrivíá e parlava nòstra lenga a la perfeccion. Era causa normala que compausèsse dins aquela lenga, - qu'era alavetz un idiòme pro unificat per èstre lo de tota l'Euròpa cultivada. E seriá estat normal qu'ajustessè tota son òbra a las qu'aquela lenga aviá fait espelir dins son país. Mas accordèt fin finala sa preferéncia al sieu dialècte nadalenc, lo toscan, qu'era pas gaire encara desbosigat, mas que sos caps d'òbra immortals anauçaràn al punt de ne far la lenga de totes los Italians.

Fa pas de doble que l'admiracion portada per Dante als Trobadors determinèt sa vocacion de poèta e qu'aja contibuit prigondament al caractèr de son òbra....

\*

La literatura italiana es pas la sola a èsser nascuda a l'imitacion dels Trobadors. Plan abans – a partir de 1150 – la lirica francesa – la de la França del nòrd - èra venguda al jorn dins la dralha dels poètas nòstres. Introduita e favorisada per la reina Alienòr d'Aquitània e de sas filhas, la poësia d'òc inspirèt los « Trouvères » que, dins lor parlar local, compausavan segon los genres practicats per sos modèles : cançon d'amor, alba, pastoral, cançon de croada... Ne seguissián tanben l'exemple per çò qu'es de la forma, de las melodias, dels tèmas emai de l'ideal de cortesia. Atal s'illustrèron entre autres Chrétien de Troyes, Huon d'Oise e Conon de Béthune.

La poësia de lenga alemana – la dels Minesänger, autrament dit « cantaires de l'amor » - a tanben sas originas dins la poësia occitana. Espeliguèt a l'encòp jos l'influencia dels Trobadors emigrats en Euròpa centrala coma Pèire Vidal e Gaucelm Faidit, e mercés al sejorn dels alemands venguts en Dalfinat e Provença qu'èran alavetz terras d'Empèri : Frederic Barbarossa èra estat, coma òm sap, coronat a-n Arles.

Un pauc pus tard, a l'exemple de la produccion occitana, apaiguèt e floriguèt dins la peninsula iberica una poesia utilisant lo dialècte gallego-portugués. Es en galician que, emai siá rei de Castilha, lo rei poèta Afonso el Sabio escriguèt sas « Cantigas de santa Maria ».



Gravadura de Boticelli

Assisti ma mamè que pòrta una saca bèla d'aquelas que servisson a pesar lo blat al temps de segasons.

Nos enanam dins los camins prigonds que de cada costat regrelhan d'ormenadas e aquí a bèls punhats rasclam las tiras per recaptar un fuelhum verd e rasput que nòl un pauc a tèrra aspra e bolegada.

La saca lèu ven pesuga.

- Auriá calgut far seguir lo carriòl ! Çò ditz ma mamè.

Çaquelà trigossam a pro pena dins los arrodals assedats del caminòl nòstra preciosa cultida dinc'a l'ostal.

Es que n'avèm pas en çò nòstre de laurières sonca un pè de bois mas que servam per la messa dels Rampalms. E doncas fasèm la joncada ambe de fuèlhas d'orme.

Sabi pas encara qu'aquel arbre a sa noblesa, qu'es jos el que se tractavan los afars màgers de la vida, que se ligavan las promeses d'acordalhas.

Sabi sonca que la fuèlha d'orme mesclada a la brenada servís a apasturar los tessons e... a far la joncada...

Ma mamè copa de ramelets de ròsas blanca al sol rosier de l'ostal que monta cap la paret de la fornal.

Assetat jos lo tilh l'ajudi a despolhar cada flor, petala aprèp petala.

L'aire es doç a s'estavanir.

Mesclam atal fuèlhas e flors, emplenam una desca e menismosament escampilham sus la rota lo nòstre tresaur.

L'ostal nòstre es la darrèr abans la glèisa, a rasis de la caminada, ma mamè se fa un punt d'onor de far la joncada per cada nòvia de l'encontrada.

Mon darrèr travalh es de susvelhar que digun angue pas degalhar nòstre tapís flame-nòu. Quand vesí una veitura bracegi tant que pòdi per tal de la far alentir. Un còp quitament poguerà pas far ganir las vacas del vesin ; me caguèron dins la joncada...

A l'ora qu'acabi de t'escriure, las laurières de mon casal an fachas lor ofici, traulhadas son las fuèlhas ; frostidas pel trapadís del cortègi ; lo vent e la secada acabaràn de las avalir.

Aquò rai, los nòvis son passats sus la joncada de las laurières del casal meu.

Verdas joncadas, cadenas liuras de l'amor...

Max LAFARGA

## ZODIAQUE D'ÒC

*Aquels poèmas son estats escrits pels mainatges de 5<sup>ena</sup> de la Seccion bilingüa del collègi de Pena d'Agenés, al torn de tablèus creats en classa de 6<sup>ena</sup>. Coma aviam estudiad de poèmas sus l'animalum, puèi legit "Bestiari", lo recuèlh de Max Roqueta, es estat decidit de li trenar un omenatge ambe dotze tèxtes d'escolans. Coma d'unes mainatges de 6ena avián pas contunhat l'occitan (mai que mai de debutants), a calgut fargar collectivament qualques pèças del copa-cap...*

### Los bessons

Cadun a son besson  
Cadun a son resson de l'autre bòrd

Lo mainatge de lutz  
Sap son frair dins la nuèit

Lo mainatge de nuèit  
Sap son frair dins la lutz

Cadun a palpas cèrca l'autre  
Per l'abraçar

*Collectiu*



### Lo cranc

Quicòm ranqueja per la plaja  
Quicòm encoirassat

E 'quò patrolha dins l'escruma  
E 'quò s'arrapa pels rocàs  
Quicòm ranqueja

Un cur encoirassat  
En cèrca d'un còs a trevar

Un cranc

*Lo regent,  
a la demanda dels dròlles*



### Lo lion

Lo lion  
Bèstia dels sables  
Es fièr  
De portar la corona  
De son pair lo solelh  
Es fièr  
E sol dins aquel reiaume de rais

Alavetz donariá  
Tot l'aur de la savana  
Per trobar una liona  
Una liona de luna  
Una liona de nèu  
Per apasimar lo fuèc negre que lo crama



*Collectiu*

### La Vèrge

La Vèrge  
Del calabrun  
Es filha nusa de l'escur  
D'una penche d'estelas  
Pacientament  
Sa mair  
Alisa la nuèit de sos pièls

*Collectiu*

*Tota l'exposicion sus :  
<http://loiseaudefeudugarlaban.blogspot.fr/2012/04/zodiaque-en-pays-doc.html>*

### Dante e lo dardalh dels Trobadors

Per balhar un exemple del prestigi de nòstra lenga dins lo passat, se cita sovent l'exemple de Dante que l'utilizèt per part dins sa « Divina comèdia ».

Cadun sap que Dante, nascut a Florença en Toscana al siècle XIII es un dels pus grands poètas de l'Umanitat. Cò que caldriá precisar es que d'aquel temps, dins son encontrada coma tanben dins lo demai de la peninsula, los trobadors occitans èran ençò sieu. En mai d'aquò, l'Italia aviá sos trobadors coma n'avián las provincias de l'autre costat dels Alps : Lemosin, Auvèrnha, Gasconha, Lengadoc e Provença. Poiriam citar, demest los pus famoses, lo venecian